

乾

象

通

鑑

乾象通鑑卷第九十三

河間府免解進士臣李

李泰

聖旨編

南方雜座統論中

孤矢星論

老人星論

天社星論

天稷星論

外厨星論

天記星論

三台星論

軒轅星論

天相星論

酒旗星論

太尊星論

內平星論

孤矢星論

孤矢星統占

月五星犯孤矢

客星犯弧矢

彗孛犯弧矢

流星犯弧矢

雲氣犯弧矢

弧矢星統占

天文別錄曰弧矢九星矢射狼其西南彗星入東井一十四度東北彗星入東井二十七度

石申占曰弧矢九星赤在狼東南天弓以備盜常屬矢於狼不直狼多盜賊占曰星動搖則天下多盜賊弓引滿天下兵盡行

天文志曰弧矢九星在狼東南天弓也主備盜賊常向於狼弧動移不如常者多盜賊胡兵大起狼弧

張害及胡天下卒亂又曰天弓張天下大起兵

陳卓叙占曰弧矢九星以備盜賊

石申占曰天弓以備盜賊弓直則大寇掠民矢鋒不直狼盜賊四起良民受禍星踈圻則軍潰爲盜星就聚民轉爲賊星移徙胡兵大起寇邊

月五星犯弧矢

天文別錄曰月犯弧矢則胡寇邊盜賊內擾月暈弧矢星則良民被侵掠

古今星釋曰彗惑犯弧矢則朝廷有姦臣以盜國政若守矢鋒禁兵爲盜太白犯弧矢則大將以兵叛主

老人星統論

天文別錄曰老人一星在弧矢南入東井九度主人

君壽考

石申曰老人一星赤在弧矢南主壽考秋分曙見丙
春分夕沒丁星明大赤人君壽昌天下安不見兵
華用

天文志曰老人一星在弧矢南一曰南極常以秋分
之旦見于丙春分之夕沒于丁見則治平主壽昌
常以秋分候之南郊以占其象

古今星釋曰南極之出沒常在春秋之旦暮見則喜

黃潤澤不喜明大出怒角乍東乍西光浮而數搖
動人君惡之

天社星論

天社星統占

月五星犯天社

客星犯天社

彗孛犯天社

流星犯天社

雲氣犯天社

天社星統占

天文別錄曰天社六星在弧矢南其西北星入井二

十度

甘德曰天社六星黑在弧矢南昔共工氏有子曰句

芒平水土死精上爲星占曰星明則社稷安動搖則下謀上金火守之則兵大起

天文志曰弧矢南六星爲天社昔共工氏之子句龍能平水土故祀以配社其精爲星

古今星釋曰天社六星明潤光澤則社稷安人民富壽星暗及動搖則下謀上星踈坼則社稷傾覆星就聚則朝廷有匿謀移徙則人君不安天下怨謗百姓不安業一星亡則諸侯擅天子命六星俱亡則不有亡國必有死君

月五星犯天社

天文別錄曰月犯天社則有女主擅國命月暈天社期三日有暴雨不然則有女喪一曰女主惡之太白逆犯天社則外國兵起守之久而不去天下兵起熒惑犯天社則大將以兵叛主若乘之久而不去或去而復來或成鈞己者天下有兵喪

客星犯天社

天文別錄曰客星干犯天社則有外姦竊國柄一曰賊臣擅天子命若色白如粉絮而四出怒角則社稷失忠臣亦曰社稷將傾則客星奄天社

古今星釋曰客星抵天社大如斗器則朝廷有賊臣

傾覆社稷

彗孛犯天社

天文別錄曰彗星掃天社奄星俱不見則其國將棄
祀一曰有更王若星尾可丈所光炸若火炬熒熒
不定者國有大喪一曰有白衣會

古今星釋曰星孛天社中其國有大兵喪亦曰宗社
將傾則星孛天社

流星犯天社

天文別錄曰流星抵觸天社主夷狄遣使入境以謀
宗社若星隱隱有聲則謀成若無聲則謀不成

陳卓叙占曰流星出天杜則天子遣使出疆以圖外國若光芒可丈所則使辱君命色白言兵色黑下以謀上

雲氣犯天杜

天文別錄曰有黑雲氣出天杜則朝廷有坐法大臣有白雲氣入天杜中主內亂一曰朝廷有兵變有黃雲氣入天杜則朝廷有喜而宗社無虞

天杜星論

天稷星統占

客星犯天稷

彗孛犯天稷

流星犯天稷

雲氣犯天稷

天稷星統占

天文別錄曰天稷五星在天廟西主黍稷以供粢盛也
石申占曰天稷五星赤在天廟西主黍稷以供粢盛
奉祭祀也占曰星明大則天下豐稔不明則穀貴
不見則人相食

天文志曰天稷五星在七星南稷農正也取平百穀
之長以爲號也

古今星釋曰天稷五星主農正之官亦主黍稷之有
無年穀之豐凶也星明潤則五穀豐星就聚則農

正不職一曰君不親耕則天稷聚星踈圻則五穀
貴星移徙其國君不謹祭祀之物五星亡則天下
貴人相食

客星犯天稷

天文別錄曰客星犯天稷則農正非其人亦曰農正
之官失職被黜

古今星釋曰客星色白如粉絮犯守天稷其野大凶
亦曰歲荒民不粒食

彗孛犯天稷

天文別錄曰彗星掃天稷長可丈所其野農失時五

穀不熟百姓懷食爲盜一曰國饑民困

古今星釋曰天稷主黍稷供祭祀之物星孛天稷其國不謹祭享宗廟故天示象也故石申言天稷在天廟西主黍稷其爲供粢盛祭祀之物也明矣

流星犯天稷

天文別錄曰流星干犯天稷其下有貸穀使者入國彊若流星出天稷其國有遣使出彊流星奄天稷五星不見其國大凶荒民不粒食亦曰粢盛不備祭祀不享若流星如疋布隆隆有聲如雷其國將棄祀

雲氣犯天稷

天文別錄曰有白雲氣犯天稷其國大凶民飢有赤氣入之國飢民死有黃氣入之其國大豐餘色凶

外厨星論

外厨星統占

客星犯外厨

彗孛犯外厨

流星犯外厨

雲氣犯外厨

外厨星統占

天文別錄曰外厨六星在柳南其正西大星入鬼一度甘德占曰外厨六星黑在柳南天子厨占同天厨

古今星釋曰外厨六星主天子厨亦主盛饌星不見
爲凶守常則吉

陳卓叙占曰外厨星明潤則天下和平五穀熟星暗
及光浮而數動搖則年穀不登星移徙或踈圻或
就聚則國多饑饉天下民流死人如麻

古今星釋曰外厨星主天子飲食盛饌一星亡則民
有菜色六星俱亡則天子憂食

海上通占曰外厨星明潤而光澤則君臣飲食燕樂
得盡其歡心一曰君臣同道則外厨星明

客星犯外厨

荊州占曰客星守外厨天下大饑人相食民流亡又
曰食官有食變

陳卓叙占曰客星抵外厨則人君有飲食之虞亦曰
食官進毒則客星抵外厨色白則謀成色黃則謀
不成一曰食官以失職坐法

一行游儀後論曰客星大如升器抵外厨奄星不見
則天庖乏米

彗孛犯外厨

武密曰彗孛掃外厨則民不食粒天倉乏米亦曰國
饑民死

陳卓叙占曰星孛外厨色白則兵叛爭食色黑則國

貧棄祀

流星犯外厨

武密曰流星干犯外厨主大饑民流國棄祀若光芒可丈所隱隱如雷必有死君

陳卓叙占曰流星犯外厨則天下之民流離散徙以就食一曰流星抵外厨父子不相保兄弟妻子離散一行游儀後論曰流星入外厨主天下以歲荒起兵也

雲氣犯外厨

武密曰有黃氣入外厨則天下大熟有白氣入之則

兵叛攘食若黑氣出入之則天下凶荒民多怨謗

天記星論

天記星統占

月五星犯天記

客星犯天記

彗孛犯天記

流星犯天記

雲氣犯天記

天記星統占

天文別錄曰天記一星在外厨南入柳三度半禽獸
甘德占曰天記一星在外厨南主禽獸金火犯守則
禽獸多死

古今星釋曰天記星明大則野獸入市井星微明則

吉若怒出四角則猛獸食人若星亡則百獸多死

月五星犯天記

天文別錄曰月犯天記星則人主有禽獸之荒若月
暈天記星則禽獸人

古今星釋曰太白守天記則戰馬多死亡一曰牛馬
多疫死彘惑逆犯天記禽獸多死

客星犯天記

天文別錄曰客星守天記及五十日不去則主天子
逐獸若色白大如拳則人君逐獸有虞

古今星釋曰客星干犯天記則猛獸傷人亦曰客星

守天記則百姓不得其性

彗孛犯天記

天文別錄曰彗星犯天記則野獸入禁庭一曰天子惡之

古今星釋曰星孛天記則猛獸入都市亦曰大人有憂虞又曰大人當之

流星犯天記

天文別錄曰流星犯天記主天子荒田獵亦主人君出入不時

古今星釋曰流星抵觸天記則人主逐獸兵爲亂亦

曰逐獸有憂

雲氣犯天記

天文別錄曰有黑雲氣犯天記則猛獸食人白氣入之則獸多死黃氣入之瑞獸入城邑

三台星論

三台星統占

月五星犯三台

客星犯三台

彗孛犯三台

流星犯三台

雲氣犯三台

三台星統占

天文別錄曰三台六星上台二星在拂北其北星入

柳六度中台二星在張北其北星入張二度下台
二星在太微垣西蕃北其北星入翼二度

石申曰三台六星兩兩相連起文昌抵太微三公之
位名曰三台次文昌爲上台對軒轅兩星爲中台
抵太微兩星爲下台占曰色貴濟明行列相類則
君臣和法令平不齊則乖戾及金火守入三公彗
三十日已上則有兵起孛彗尤甚

天文志曰三台六星兩兩相居起文昌列招搖太微
一曰天柱三公之位也在天曰三台主開德宣符
也西近文昌二星曰上台爲司命主壽次二星曰

中台爲司危主奢侈東二星曰下台爲司祿主兵
所以昭德達塞也又曰三台爲天階太一躡以上
下一曰泰階上星爲天子下星爲女主中階上星
爲諸侯三公下星爲卿大夫下階上星爲元士下
星爲庶人所以和陰陽理萬物也其星有變各以
其所主占之君臣和集如其常度

黃帝總占曰三台六星兩兩相屬星明潤光澤大小
等而色定則尊卑列而辨上下交而泰若光浮而
數動搖則朝廷不尊百姓不治

陳卓叙占曰三台六星二星相對也貴濟明則君臣

和集天下大治一星不明隨其所主以占之六
星俱暗或移徙不如常度則朝廷有匿謀星俱
亡則天下大亂

古今星釋曰三台六星爲天柱亦曰三公之位也又
曰三台爲天階太一躡以上下故起文昌而抵太
微也上台兩星曰泰階中台兩星曰中階下台兩
星曰下階三階各有所主所以和陰陽理萬物也
晉惠帝永康元年三月中台星坼占曰台星失常三
公憂是月賈后殺太子趙王倫尋廢后斬司空張華

月五星犯三台

天文別錄曰月逆犯三台則三公受戮亦曰大臣以失職坐法月暈三台及三重者期三日有急雨出期不雨則有輔臣死

古今星釋曰太白逆犯三台主大臣以兵叛天子若守入久而不去或去而復來乘之及成鉤已者天下兵起大人惡之熒惑逆犯三台守之久而不下主朝廷有內亂亦曰熒惑犯三台主以兵失國

客星犯三台

天文別錄曰客星守上台則大人當之守中台則有坐法大臣亦曰客入中台則三公受辱客星守下

台則朝廷失士心百姓多怨謗

古今星釋曰客星色白如粉絮守上台則人君有兵憂若奄上台則國棄祀守中台則大臣失勢守下台則天下有離心

漢孝安永初四年六月甲子客星大如李蒼白芒氣長二尺西南指上階爲三公後太尉張敏免官

彗孛犯三台

天文錄曰彗星干犯三台主朝廷有兵變亦曰大臣惡之

古今星釋曰彗星掃上台主有更王若星孛上台不

有亡國必有死君彗掃中台則三公受戮亦曰大臣有叛謀坐法彗星掃下台主兵起亦曰天下將變更

陳卓叙占曰星孛三台則其國有大兵喪

後漢靈帝光和五年七月彗星出三台下占爲亂臣是時中常侍趙忠等爲姦亂

晉惠帝元康五年星孛于奎歷三台占曰三台爲三司主大臣憂後五年司空張華遇禍

晉惠帝太安元年四月彗星晝見二年三月彗星見于東方指三台占曰兵喪之象三台爲三公三年

正月東海王越執太尉長沙王乂張方乂殺之
晉康帝永和六年甲申彗在東井炎光及三台是時
太尉杜橋及故太尉李固為梁翼所陷入坐文書死
晉孝武太元十五年七月壬申有星孛于三台占曰
三台為三公大臣惡之至隆安元年王恭殷仲堪
相玄等並發兵以誅王國寶為名朝廷順而殺之
并斬其弟緡司馬道子由是失勢禍訖成矣

流星犯三台

天文別錄曰流星抵三台則三公失勢一日大臣被
黜則流星觸三台

古今釋星曰流星出三台主大臣受命出疆

雲氣犯三台

天文別錄曰有雲氣出三台主大臣有陰謀白雲氣如獸類犯三台主兵起倉卒朝廷有憂黃雲氣如蓋覆三台主天子有喜青主饑赤火災

軒轅星論

軒轅星統占

月五星犯軒轅

客星犯軒轅

彗孛犯軒轅

流星犯軒轅

雲氣犯軒轅

軒轅星統占

天文別錄曰軒轅一十七星在張北其大星入張二度其右一星曰太民入七星二度半其左一星曰少民入張八度

石申占曰軒轅一十七星赤在七星北主雷雨之神

後宮之象陰陽交合感為雷激為電和為雨怒為

風龍為霧凝為霜聚為氣淫為虹蜺離為背音璫

日傍分為抱珥此十四變皆軒轅主之其大星女氣也

主也次北星天屬也上將也次北星妃也次諸星

皆妃之類女和則明南一小星女御左一小星曰

少民少后宗右一小星曰太民太后宗占曰皆明

則吉大則後宮爭競星移民流亡東西角張而振
后宗敗水金火守之則女主惡之

天文志曰軒轅一十七星在七星北軒轅黃龍之神
也后妃主文職也一曰東陵二曰權星主風雨之
神也南大星女主也次北一星妃也次將軍也其
次諸星皆次妃之屬也女主南小星文御也左一
星少民少后宗也右一星太民太后宗也欬其色
黃小而明則吉

古今星釋曰軒轅一十七星在七星北主后妃女主
之職也星明潤光澤則后妃有喜星出怒角則女

主惡之星踈圻不相聯屬主後宮爭寵星就聚則
嬪御有陰謀星移徙及光浮而數搖動則后妃失
勢星俱亡則女主當之亦曰后妃有匿謀事敗集宗
後漢光武建武九年七月乙丑太白犯軒轅大星十
一月乙丑太白又犯軒轅軒轅者後宮之官也大
星為皇后太白犯之為失勢是時郭后已失勢見
踈後廢為中太后陰貴人立為皇后

後漢和帝永元二年四月丙辰金在軒轅大星東北
二尺所占曰金在軒轅女主失勢是時竇氏被誅
太后失勢

後漢相帝延熹六年庚申歲星犯軒轅大星乙丑災
惑犯軒轅第二星歲犯軒轅為女主憂其八年二
月癸亥皇后鄧氏坐執左道廢遷于桐宮死宗族
侍中泚陽侯鄧康九人皆繫暴室鄧萬鄧魯死康
等免官

魏明帝太和五年十二月乙酉月犯軒轅大星占曰
女主憂六年乙亥月又犯軒轅大星青龍三年正
月太后郭氏崩又四年七月甲寅太白犯軒轅大
星占曰女主憂景初元年皇后毛氏崩

魏明帝青龍二年十月乙丑月犯鎮星及軒轅占曰

女主惡之至三年皇太后崩

永壽二年八月戊午太后犯軒轅大星占曰為皇后
後二年四月懿獻皇以憂死

晉成帝咸康六年六月乙卯太白犯軒轅大星占曰
女主憂七年三月杜皇后崩

晉穆帝永和四年七月太白犯軒轅占曰在趙及為
兵喪八月石季龍太子宣殺弟韜宣亦死

晉穆帝永和四年七月太白犯軒轅占曰在朝及為
兵喪五年正月石季龍僭稱皇帝尋死八年三月
戊戌月犯軒轅大星九年帝幼冲母后稱制

晉穆帝升平四年六月辛亥辰星犯軒轅占曰女主
憂五年五月哀帝立褚后失勢

晉穆帝升平三年四月甲午奄軒轅第二星七月永
安皇后何氏崩

太元五年七月辰星犯軒轅占曰女主當之九月癸
亥皇后王氏崩

晉安帝元興二年十二月乙巳月奄軒轅第二星占
曰女主有憂是月相立墓位放遷帝后於尋陽以
永安何皇后為陵零君

晉安帝隆安三年辛未辰星犯軒轅大星占曰女主

當之五年七月太皇太后李氏崩

客星犯軒轅

天文別錄曰客星犯軒轅主後宮有暴貴新進美人若色白如粉絮光芒出怒角主後宮嬪御懷貳

古今星釋曰客星抵犯軒轅第二星主后妃失寵

陳卓叙占曰客星奄軒轅大星主后妃擅君柄失勢亦曰後宮有憂

後漢光武建武三十一年己亥客星犯軒轅大星又七日間有客星炎二尺所西南行軒轅為後宮客星犯之為死喪其後二年光武崩

後漢和帝永元十三年十一月乙丑軒轅第四星間
有小客星色青黃軒轅為後宮客星出之為失勢
其十四年六月辛卯陰皇后廢

漢明帝永平十四年正月戊子客星出昴六十日在
軒轅右角稍滅一日軒轅右角為貴相昴為獄事
是時考楚事未訖司徒虞延與楚王英黨與黃初
公孫弘等交通皆自殺或下獄伏誅

彗孛犯軒轅

天文別錄曰彗星掃軒轅女主惡之亦曰不有廢后
必有死妃

古今星釋曰彗星出軒轅主後宮有兵喪亦曰除舊
冥新之象

陳卓叙占曰星孛軒轅則後宮有兵變亦曰天子親
戎服

魏文帝黃初六年十月乙未星孛于少微歷軒轅占
為兵喪除舊布新之象時帝軍廣陵辛丑親御甲
冑觀兵明年五月帝崩

晉武帝太康二年十二月星孛于軒轅占曰後宮當
之至永平元年賈后誅楊駿及其黨與皆夷三族
楊太后亦見弑

晉康帝永和六年甲申彗在東井滅于軒轅中為後宮其後懿皇后憂死梁氏被誅

流星犯軒轅

天文別錄曰流星犯軒轅則後宮有廢妃若光芒可丈所隱隱有聲如雷則後宮大喪

古今星釋曰流星抵觸軒轅第二星主後宮有新進美女專寵若光芒耗若大炬則後宮有陰謀一曰後宮爭寵

後漢靈帝光和元年四月癸丑流星軒轅第二星東北行入北斗魁中流星為責使軒轅為內宮北斗

魁主殺伐流星從軒轅出抵北斗魁是天子大使
將出有殺伐也至中平元年黃巾賊起上遣中郎
將皇甫嵩朱雋等征之斬首十萬餘級

雲氣犯軒轅

天文別錄曰黑雲氣出軒轅則女主則疾白雲氣出
入軒轅或如獸類及樓閣狀主後宮有兵黃雲氣
出軒轅如蓋狀主后妃受天子錫賜若氣如人形
或捧抱軒轅後宮有暴貴美女青氣入軒轅後宮
媚御多爭訟赤氣出軒轅宮闈多大災亦主兵起

天相星論

天相星統占

月五星犯天相

客星犯天相

彗孛犯天相

流星犯天相

雲氣犯天相

天相星統占

天文別錄曰天相三星在七星東其西星入七星二度
巫咸氏占曰天相三星黃在七星北主輔臣丞相之象
天文志曰天相三星在酒旗南丞相之象也

古今星釋曰天相三星主總領百司而掌邦教以佐
帝王安邦國集衆事

陶隱居曰天相三星主冢宰之位星明潤則吉暗則

凶三星俱亡則相死不然則被黜星踈圻則大臣
失志星就聚則宰相竊主柄光浮而數動搖則宰
輔有憂

陳卓叙占曰天相三星小明而潤澤宰相論道經邦
天下和悅星明而大出怒角則君臣不同道朝廷
失紀綱

月五星犯天相

天文別錄曰月逆犯天相則大臣有匿謀月暈天相
輔臣失職

古今星釋曰太白犯天相主大臣以兵叛天子一曰

宰相以兵危杜稷熒惑犯天相主大臣有憂

客星犯天相

天文別錄曰客星干犯天相主宰相通外姦若色白謀成朝廷危餘色主大臣以事敗坐法

古今星釋曰客星抵天相大如椀色白如粉絮主宰相通匿謀以危朝廷一曰客星抵天相則朝廷惡之

彗孛犯天相

天文別錄曰彗孛干犯天相則權臣受戮一曰貴臣當之又曰幸臣有憂

陳卓叙占曰彗孛干犯天相若光芒可丈所相大臣

竊主柄亦主大臣有匿謀犯主

一行游儀後論曰彗字掃天相則天子憂大臣有陰謀亦主臣下謀上

流星犯天相

武密曰流星干犯天相主將相出不然三公薨

古今星釋曰流星抵觸天相奄星不見則主將相以失職有匿謀坐法一曰輔臣受辱

河圖遺書曰流星出天相天子遣大臣受命出疆色黃則不辱君命餘色皆凶

雲氣犯天相

武密曰黃白氣入天相宰相有喜餘色皆凶

陳卓叙占曰黑雲氣入天相則三公受辱若氣覆天相而星不奄則宰相有驚憂不成災

古今通占曰青白雲氣出入天相上下則大臣有自將兵亦曰宰相親戎服

酒旗星論

酒旗星統占

月五星犯酒旗

客星犯酒旗

彗孛犯酒旗

流星犯酒旗

雲氣犯酒旗

酒旗星統

天文別錄曰酒旗三星在軒轅西南其西星入柳一十四度

甘德占曰酒旗三星黑在軒轅右角南酒旗星主飲宴五星犯之守天子大酺

天文志曰酒旗三星在軒轅右角南酒官之旗也主宴嚮飲食五星守酒旗天下大酺有酒肉財物賜爵宗室

古今星釋曰酒旗三星在軒轅右角南主天子飲食燕樂星明潤則吉星出怒角則大凶若光浮而乍東南西數動者天子飲食宴樂無度亦曰酒旗動

則天下耽樂沉湎

月五星犯酒旗

天文別錄曰月逆犯酒旗則人君淫酒以廢事朝廷有憂月暈三重周匝酒旗期三日有大風雨不則天子耽樂嗜酒以危社稷

古今星釋曰太后犯酒旗及四星從而犯之則主天子大酺

客星犯酒旗

天文別錄曰客星犯酒旗則主人君失上下禮亦曰客犯酒旗百姓心離

古今星釋曰客星抵觸酒旗大如椀則主天子野食

彗孛犯酒旗

天文別錄曰彗星掃酒旗則主飲食之官有陰謀以毒上

古今星釋曰星孛酒旗則天子有飲食之憂亦曰天厨乏飲饌

流星犯酒旗

天文別錄曰流星入酒旗則主有進飲食若色白而隱隱有聲則主天子憂飲食之毒

古今星釋曰流星抵觸酒旗則主天下有大醜

雲氣犯酒旗

天文別錄曰黑雲氣入酒旗侵軒轅則後宮有進毒以酒者黃氣繚繞酒旗主有進美酒亦曰天子有美酒賜人蒼白雲氣入之主兵起

太尊星論

太尊星統占

月五星犯太尊

客星犯太尊

彗孛犯太尊

流星犯太尊

雲氣犯太尊

太尊星統占

天文別錄曰太尊一星在中台北入張四度

石申占曰太尊一星赤在中台北天牢星西主君位
巫咸曰此聖人之象也星居常則吉不見則凶人君
惡之

古今星釋曰太尊一星在中台北天牢西主人君之
象星貴明惡暗不喜出怒角居常則吉星亡則凶
人君惡之

陳卓叙占曰太尊一星此聖人之象也星移徙及光
浮而數動搖者天子不安亦曰朝廷將傾危則太
尊搖動

月五星犯太尊

天文別錄曰月犯太尊則聖人有憂亦曰人君出狩則月太尊

古今星釋曰太白犯太尊不有亡國必有死君亦曰社稷將傾則熒惑太尊

客星犯太尊

天文別錄曰客星抵太尊則人君當之若色白如粉絮則天子親征

古今星釋曰客星抵太尊則天子受制于疆臣一曰大臣擅主柄

天文別錄曰彗星掃太尊主其國有更王一日天下
更政

古今星釋曰星孛于太尊其野有死君亦曰天下革政
流星犯太尊

天文別錄曰流星犯太尊主天子親道路一曰法駕
將遷則流星犯太尊

古今星釋曰流星抵觸太尊則大人憂之

雲氣犯太尊

天文別錄曰蒼白雲氣入太尊人君有兵憂黃氣入
太尊則天子以厚祿賜臣下青赤雲氣入之亦主

兵火

內平星論

內平星統占

月五星犯內平

客星犯內平

彗孛犯內平

流星犯內平

雲氣犯內平

內平星統占

天文別錄曰內平四星在中台南其東南星入張七度
其德占曰內平四星黑在軒轅尾西中台南平罪之
官占曰刑罰中則星明法令不平則星暗

古今星釋曰內平四星主平刑斷獄也內平四星不

欲暗暗則天下有冤枉

武密曰內平四星明潤則刑平星俱亡天下起大獄
星疎圻則枉法加良善亦曰罪無辜星就聚則有
貴人受辱亦曰貴臣有幽囚之虞

月五星犯內平

天文別錄日月逆犯內平則刑罰不中月暈及三重
以上則大臣以私枉法

古今星釋曰太白犯內平刑罰不中熒惑犯之則刑
獄之官有反坐者

客星犯內平

天文別錄曰客星干犯內平有大臣下獄色黃遇赦
餘色皆凶

古今星釋曰客星守內平則大臣受冤獄亦曰貴臣
受刑

彗孛犯內平

武密曰彗孛干犯內平主大臣以家事下獄坐罪者
近期八十日遠期一百二十日刑獄之官有憂

古今星釋曰星孛入內平貴臣坐法一日執法者有

私心不坐

流星犯內平

天文別錄曰流星干犯內平主外國使坐獄一日使者有謀坐法

古今星釋曰流星抵觸內平主天子遣使問罪外夷
一曰天子遣使治外獄

雲氣犯內平

天文別錄曰黑雲氣干犯內平則主執法者有憂黃
雲氣干犯內平主刑法之官受賞有青雲如人狀
捧內平枉法加良善有白雲氣覆內平星不奄則
主執法者以兵叛主亦曰有大將坐枉法

乾象通鑑卷第九十三

乾象通鑑卷第九十四

河間府免解進士臣李季奉

聖旨編

南方雜座統論下

天廟星論

東甄星論

虎背星論

少微星論

長垣星論

明堂星論

靈臺星論

軍門星論

土司徒星論

器府星論

青丘星論

進賢星論

天廟星論

天廟星統占

月五星犯天廟

客星犯天廟

彗孛犯天廟

流星犯天廟

雲氣犯天廟

天廟星統占

天文別錄曰天廟十四星在張南其西南星入柳一十五度

甘德占曰天廟一十四星主東越三夷金火守兵起芒角動則內訌

天文志曰張南十四星曰天廟天子之祖廟也客星

守之則祀官有憂

古今星釋曰天廟十有四星分野主東越三夷之象
天子祖廟星明潤則國祚昌星明大出怒角則宗
廟有憂

河圖遺書曰天廟一十四星在張南星貴明潤光澤
不喜明大動搖星踈坼則主祖廟災星移徙則主
宗廟有憂亦曰宗廟遷徙

月五星犯天廟

天文別錄曰歲星逆犯天廟則祖廟不寧太白逆犯
天廟則宗廟有兵起熒惑守天廟則祖廟有火災

若太白成鉤已則朝廷有兵變辰星犯天廟主有謀覆宗廟者鎮星守天廟主宗廟興土切

客星犯天廟

天文別錄曰客星干犯天廟則祖廟有兵變若色白如粉絮及乘之及五十日以上者主外國有覆祖廟者

古今星釋曰客星干犯天廟及抵觸有怒角則臣下有匿謀宗廟者

陳卓叙占曰客星抵天廟則東越有兵起亦曰三夷入寇

彗孛犯天廟

天文別錄曰彗孛星掃天廟其國棄祀一曰彗掃天廟則百姓流宗廟毀

古今星釋曰星孛天廟國祚將亡一曰國無承祀則星孛天廟

陳卓叙占曰彗星奄天廟則東越三夷有兵喪

流星犯天廟

天文別錄曰流星干犯天廟則宗廟有虞若流星出天廟則越有使入覲或曰三夷

陳卓叙占曰流星抵觸天廟則三夷有兵變若色白

隱隱有聲如雷則使兵寇中原

雲氣犯天廟

天文別錄曰黑雲氣入天廟或奄星不見則宗廟將傾覆黃雲氣入天廟則宗廟有喜事青白氣入天廟起兵爲亂

東甌星論

東甌星統占

月五星犯東甌

客星犯東甌

彗孛犯東甌

流星犯東甌

雲氣犯東甌

東甌星統占

天文別錄曰東甌五星在翼南其西星入張一度

甘德占曰東甌五星主東方三夷金火彗孛之主夷

兵相侵

天文志曰翼南五星曰東甌主蠻夷星也

古今星釋曰東甌五星在翼南主蠻夷星明潤光澤
則三夷順命星明大及四出怒角則蠻夷有新君
星疎圻則三夷相侵星移徙主蠻夷國飢人流移
星就聚則蠻夷兵起寇中原

陳卓叙占曰東甌五星在翼南星貴黃潤不喜明大
若光浮而數動搖者三夷有匿謀用兵

月五星犯東甌

天文別錄曰月逆犯東甌則蠻君惡之月暈東甌則三夷有大兵喪若太白晝見及成鉤已則蠻夷有死君熒惑守東甌主三夷革命亦曰有內亂

客星犯東甌

天文別錄曰客星干犯東甌則主東方三夷有陰謀若色白如粉絮則夷兵侵掠邊民

古今星釋曰客星抵東甌則三夷有屠城一曰夷大擾陳卓叙占曰客星守東甌久而不去狀如五升器則主三夷有謀及中國事

彗孛犯東甌

天文別錄曰彗星犯東甌則主三夷不有死君必有
屠城若彗尾拂東甌則夷敗國

古今星釋曰星孛東甌則三夷內亂亦曰有白衣會
又曰三夷臣下有弑君者

流星犯東甌

天文別錄曰流星干犯東甌主蠻夷遣大將以兵寇
中原一曰流星犯東甌三夷兵起

古今星釋曰流星抵觸東甌主蠻夷有陰謀若流星
而有聲如雷者三夷大亂

雲氣犯東甌

天文別錄曰黃雲氣干犯東甌三夷有德君亦曰蠻夷有喜則黃雲氣出入東甌黑雲氣入東甌三夷受禍白雲氣出入東甌三夷有兵喪青赤雲氣入東甌則其國大飢

虎賁星論

虎賁星統占

月五星犯虎賁

客星犯虎賁

彗孛犯虎賁

流星犯虎賁

雲氣犯虎賁

虎賁星統占

天文別錄曰虎賁一星在太微西蕃垣外上相西入軫五度

石申占曰虎賁一星赤在太微西蕃垣外入主侍衛之臣占曰主車騎

古今星釋曰虎賁一星主車騎兵亦曰天子侍衛之臣星貴明潤而微小不喜光芒明大若虎賁出四角則天子侍衛之臣懷姦謀若光芒浮而動搖則天子安若星移徙主天子侍御之臣有異意

陳卓叙占曰虎賁星亡則禁衛有陰謀若星變色失常則禁兵為亂一曰衛兵叛上

月五星犯虎賁

天文別錄日月逆犯虎賁則主天子禁兵有匿謀君
上者月暈虎賁三重及七重主人君親小人失國
古今星釋曰太白逆犯虎賁主禁衛叛天子若成鉤
已則主失車騎

陳卓叙占曰熒惑犯虎賁主內亂亦曰侍衛之兵變
客星犯虎賁

天文別錄曰客星干犯虎賁天下兵後並起亦曰客
星抵虎賁主車騎滿野

古今星釋曰客星大如瓜守虎賁則天下兵大起亦

曰客守虎賁則兵不時出

彗孛犯虎賁

天文別錄曰彗星掃虎賁天子兵盡行尾之所拂軍破國亡

古今星釋曰星孛虎賁人君憂兵變亦主國有大喪又曰星孛虎賁則天下無君

大象旁通曰彗星抵虎賁則人主憂內亂亦曰國破軍亡

流星犯虎賁

天文別錄曰流星犯虎賁則天子遣大將出以兵禦

外侮若流而有聲如雷則大將以兵叛主

古今星釋曰流星色白光芒長可數丈所祚若火炬然主車騎滿野

雲氣犯虎賁

天文別錄曰黑雲氣入虎賁則天子不備車騎一曰內有兵亂黃雲氣入虎賁大將受賜于君青赤氣入虎賁三軍乏糧一曰士卒爭食為亂蒼白氣入虎賁人君侍衛之臣者有叛者

少微星論

少微統占

月五星犯少微

客星犯少微

彗孛犯少微

流星犯少微

雲氣犯少微

少微星統占

天文別錄曰少微四星在太微西蕃西北斜列其東南星入張二十七度半

石申占曰少微四星在長垣東第一星曰處士第二星曰議士第三星曰博士第四星曰大夫占曰星明則國舉賢士七曜犯守則處士憂宰相訟

天文志曰少微四星在太微西士大夫之位也一名處士亦天子副主或曰博士官主衛掖門星明大

而黃則賢士舉月五星犯之處士辱女主有憂宰
相易

古今星釋曰少微四星在太微西蕃西北斜列星明
潤而光澤則賢在位能者在職一曰國舉賢能
大象旁通曰少微星踈圻則賢士在野星就聚則人
君不親賢星暗及移徙則處士有憂光浮而數動
搖則宰相訟若星黃潤明澤則野無遺賢

月五星犯少微

天文別錄曰月逆犯少微則女主有憂一曰處士被
辱月暈再重犯少微主賢人被斥逐

古今星釋曰歲星逆犯少微則人主見賢不用榮惑
犯守少微則大臣以失職坐法若守之久而不去
或去而復來及成鈞己者則小人進賢人隱天下
將有變若太白犯守少微則賢者以叛上一曰有
大喪又曰上相死

晉安帝隆安五年九月庚子榮惑犯少微占曰文主
憂宰相易

晉安帝義熙元年九月甲子榮惑犯少微占曰處士
誅義熙六年八月乙未太白犯少微丙午太白又
在少微晝見占曰上相死是年四月僕射孟昶自殺

齊文宣帝天保八年二月己亥歲星少微經六十三
日占曰五常亂五月癸卯歲星犯太微上將占曰
大將憂大臣死其十年五月誅諸元宗室四十餘
家乾明元年誅楊遵彥等皆五常亂大將憂大臣
死之象也

客星犯少微

天文別錄曰客星干犯太微則大臣被黜一曰客犯
少微則賢士心離

古今星釋曰客星大如椀光芒四出則處士有憂亦
主宰相受辱

大象旁通曰客星明大逆守少微星則大臣有陰謀
一曰客星入少微賢者多遺

彗孛犯少微

天文別錄曰彗星掃少微宰相有隱謀亦曰大臣專
恣擅人主柄

古今星釋曰彗星出少微星旁尾指太微垣中座光
芒相逼其國有篡弑之禍一曰有更王

大象旁通曰星孛少微星側其野有大臣以兵叛主
一曰人君有驚憂若奄少微不見其國有大兵喪
魏文帝黃初六年十月乙未有星孛于少微占為兵

喪除舊布新之象時帝軍廣陵辛丑親御甲冑觀兵
明年五月帝崩

流星犯少微

天文別錄曰流星抵觸少微主宰相被黜一日大臣
以失職廢若星色芒白隆隆有聲如雷有彊臣逼
人君一曰人君失勢

古今星釋曰流星出少微主大臣受命出使若色青
白則使辱君命不達于四方若有聲則大臣死

大象旁通曰流星出少微奄星不見主輔臣有憂處
士受辱若光芒炆著火炬然主處士死

雲氣犯少微

天文別錄曰黑雲氣如獸狀欲啗少微則宰相惡之
有黃雲氣如蓋回旋少微星上而星不奄者賢人
進諂佞死若青白雲氣相間少微星則有急兵起

長垣星論

長垣星統占

月五星犯長垣

客星犯長垣

彗孛犯長垣

流星犯長垣

雲氣犯長垣

長垣星統占

天文別錄曰長垣四星在太微垣西南北列其南星

人張一十二度半

巫咸曰長垣四星黃在軒轅東占曰火守胡兵入中國太白入九卿謀反

天文志曰少微南四星曰長垣立界域及胡夷大入胡兵犯中原太白入九卿謀反

古今星釋曰長垣星軒轅東主中外界域之象星踈圻則邊陲有警一曰邊民有離心星就聚主內外交兵邊域有兵起一曰胡兵有塞一星亡則塞垣有警四星俱亡則胡兵入寇亦曰胡兵猖獗入寇中原若星移徙則邊民流亡失業若星光浮而數

動搖則九卿有憂

大象旁通曰長垣星明潤而光澤為得常得常則吉
星明大及有芒角失本色為變遇變則凶

月五星犯長垣

天文別錄曰月失行逆犯長垣則九卿失職一曰臣
下有憂月暈長垣再重以上者九卿受禍若太白
犯守則九卿謀反若經天及晝見守之主胡兵入
寇中原大擾熒惑犯守長垣則有兵喪一曰有遭禍
古今星釋曰熒惑逆犯守長垣若成鉤已則胡兵寇
則中原署城邑掠民財以至大亂若太白入長垣則

九卿謀反若來去成鉤已者中外界域大兵起一
日遼民流徙

客星犯長垣

天文別錄曰客星犯守長垣星則胡兵據邊域一日
長垣客抵胡兵大起若星色白如粉絮大如五升
器者胡兵猖獗大亂中土

彗孛犯長垣

天文別錄曰彗孛掃長垣胡主惡之一曰胡國有死
君若光者可數丈長所主夷狄棄祀

古今星釋曰彗星出長垣光芒射外者主遘土陷一

曰九卿有陰謀篡弑之禍若星孛長垣中有除舊
寘新之象一日有更王

流星犯長垣

天文別錄曰流星出長垣主胡使入中國若色蒼白
言兵色青赤貨粟色黃則中外有喜若長可丈所
色曰有聲如雷則胡兵四起

古今星釋曰流星抵觸長垣主邊域有兵一日流星
抵長垣兵火相連

雲氣犯長垣

天文別錄曰黑雲氣入長垣其國有陰謀卿一日公

卿有叛志黃雲氣如傘蓋長垣不奄其星主中外
交驩鄰國通好若有白雲氣入長垣胡地起兵邊
域失守有青赤氣如人形抱長垣主邊地糴貴百
姓流亡死人滿野

明堂星論

明堂星統占

月五星犯明堂

客星犯明堂

彗孛犯明堂

流星犯明堂

雲氣犯明堂

明堂星統占

天文別錄曰明堂三星在太微垣右執法西南其北

星入翼七度半

甘德占曰明堂三星黑在太微西主天子布政之官

星明則吉

大象旁通曰明堂星在太微左執法西南主天子布政令之所星明潤而光澤則天子政令宣布百姓咸被德澤而天下和平星變色移徙王者德澤不施于民天下怨謗

古今星釋曰明堂星暗又動搖則王者法令急星踈圻主天子遷都星就聚則天子紀綱廢弛一日法度大壞星端列則主王法曲三星俱亡則王者失

勢彊臣擅人主柄

月五星犯明堂

天文別錄曰月逆行失度干犯明堂星主大臣干天子法令者若月暈明堂星主三日內有急雨災惑逆犯明堂星則王廷有大災若成鉤已王者政急下民驚亂歲星循度守明堂王者德澤下施百姓和悅天下和平鎮星逆犯明堂王者興役以營宮室下民怨謗辰星逆守明堂天子有急令一日興大獄

客星犯明堂

天文別錄曰客星犯明堂色白如粉絮王廷有刺客

一曰外臣有匿謀

古今星釋曰客星逆犯明堂形大如五升器主王者
虐毒良民不恤孤寡一曰有曲法加民

彗孛犯明堂

天文別錄曰彗星掃明堂天子政令不行彊臣擅命
以震人主一曰天子失勢又曰彗星掃明堂以成
禍亂

古今星釋曰彗星出明堂星中大人惡之一曰天子
有更令若星孛于明堂其野改君易政一曰天下
有苛令

流星犯明堂

天文別錄曰流星干犯明堂王者徙都一日天子不安流星出明堂中主人君遣使布令四方色黃則吉餘色俱凶

古今星釋曰流星抵觸明堂星主更法令以毒民上不知恤下民怨謗以成禍亂若流星出明堂隆隆有聲如雷則彊民擅命以震人主

雲氣犯明堂

天文別錄曰黑雲氣干犯明堂星形如獸類或來或去主法度大壞朝廷失紀綱青赤雲氣犯明堂人

君暴虐以加無辜黃氣入明堂如蓋狀覆其上者
天子德政宣布四方下民悅豫

靈臺星論

靈臺星統占

月五星犯靈臺

客星犯靈臺

彗孛犯靈臺

流星犯靈臺

雲氣犯靈臺

靈臺星統占

天文別錄曰靈臺三星在太微西南其北星入張二
十度

甘德占曰靈臺三星在明堂西候雲霧占同司怪

古今星釋曰靈臺三星主候天地日月星辰雲霧之
變星明潤而光澤主天子間災察變以修德保福
黃帝總占曰靈臺星明則五星循軌星暗及動搖當
候七曜以察其變也

陳卓叙占曰靈臺星移徙則天官失職星踈圻則期
百二十日有星變一曰靈臺踈圻彗孛光赫星就
聚則五星有晝見者不爾則日月蝕若光浮而動
搖則五星不見循軌

月五星犯靈臺

天文別錄曰月逆犯靈臺主天下大變期五日月蝕

則解月暈靈臺臣下有匿謀辰星失度則解

古今星釋曰歲星犯守靈臺星國大饑期五日災惑失度及成鈎已者卽太白犯靈臺國有兵喪一曰為白衣會期五日太白晝見或經天卽解鎮星犯靈臺其野有土功民怨期五日鎮星退行不循軌道卽解辰星犯靈臺其國大水荒期五日辰星失本色退行不循道卽解

客星犯靈臺

天文別錄曰客星犯守靈臺主國有淫祠有妖言以妬國政一曰巫祝為朝廷害

古今星釋曰客星抵觸靈臺光芒四出主天子不畏
天變已成禍記

彗孛犯靈臺

天文別錄曰彗星如帚掃靈主天子不畏天命以政
亡國一曰有更王若光芒長可丈所不可亡國必
有死君

古今星釋曰彗孛于靈臺奄靈臺中星不見者其國
有野死君一曰星孛靈臺其國有新王

流星犯靈臺

天文別錄曰流星抵觸靈臺主天官失職被逐

古今星釋曰流星出靈臺隆隆然有聲如雷主太史以譖佞欺君以致敗國

雲氣犯靈臺

天文別錄曰黑雲氣入靈臺主五星失度退行天子聞災不畏天變以成禍亂黃雲氣如人形扶靈臺主天官以職受賞一日天子聞災脩德以禳之青赤雲氣如樓殿犯靈臺主有妖言以狂惑天子白氣如劍狀入靈臺為兵變天下大亂

軍門星論

軍門星統占

客星犯軍門

彗孛犯軍門

流星犯軍門

雲氣犯軍門

軍門星統占

天文別錄曰軍門二星在軫南其西星入翼一十五度石申占曰軍門二星赤在青丘西南天子軍門星移道不通守常則占同南門

天文志曰土司徒北二星曰軍門主軍營候虜尾威旗古今星釋曰軍門二星主軍營出入之象星明潤則軍出以律星明大有芒角則三軍暴出亦曰朝廷有急兵星疎拆則三軍潰主將死星就聚則三軍

叛殺大將星光浮而動搖則外兵至

大象旁通曰軍門閉有兵兵罷無兵兵起

謂二星光芒相屬日閉

一星亡則天子禁衛兵出二星俱亡天子兵盡行

客星犯軍門

天文別錄曰客星抵觸軍門星中主外兵寇邊域又曰外兵侵掠內地

大象旁通曰客星守軍門主刺客入軍營色白如粉絮者主將被害餘色災輕

彗孛犯軍門

天文別錄曰彗星如帚掃軍門則朝廷有內變宿衛

有以陰謀

大象旁通曰星孛于軍門主禁兵為亂以傾宗社一
曰國棄祀

流星犯軍門

天文別錄曰流星抵觸軍門主外寇交侵內兵失利主
將當之

大象旁通曰流星入抵軍門主外國兵寇畿甸天子
有憂

雲氣犯軍門

天文別錄曰黑雲氣如猛獸入軍門大將遷營寨不

爾失主帥白雲氣如劒戟收入軍門其下不利攻
戰退守則吉有黃雲氣出入軍門主三軍得地土
青赤氣出入軍門天子禁兵不嚴

土司徒星論

土司徒星統占

月五星犯土司徒

客星犯土司徒

彗孛犯土司徒

流星犯土司徒

雲氣犯土司徒

土司徒星統占

天文別錄曰土司徒四星在軍門南其西北星入翼一

十四度

巫咸曰土司徒四星黃在軍門南主土功占曰金火犯男不耕女不織天下多游手

古今星釋曰土司徒星主土功主農桑亦主界域星明潤則王者親農桑以勸天下星暗則土功勞民星移徙則邊域失守

大象旁通曰土司徒星主邊域星直則有邊兵起星踈圻則天子興土功以失民心星就聚則中外交兵農桑失業星光浮而數動搖者人君親不急之務

月五星犯土司徒

天文別錄曰月逆行失度犯土司徒星主邊土陷不

有破軍必有屠城

古今星釋曰歲星順守土司徒其國大穰民不失耕
桑熒惑失行犯土司徒國大饑民流亡太白經天
犯土司徒天下兵起一日民起為盜鎮星逆犯土
司徒主人君起土功以勞民天下焦勞百姓怨毒
一日有急兵辰星失行犯土司徒其國大水傷禾
糴貴民饑

客星犯土司徒

天文別錄曰客星犯土司徒其國有失業之民一日
百姓流亡以避土役

古今星釋曰客星大如瓜守土司徒色白如粉絮邊
土有兵變一日邊民受禍

彗孛犯土司徒

天文別錄曰彗星如帚掃土司徒星其野以土役失國
一日邊城將陷則彗掃土司徒

古今星釋曰星孛于土司徒其國有更王若色白則邊
域有僭竊大臣一日外臣震主

流星犯土司徒

天文別錄曰流星抵觸土司徒主百姓流離一日其國

民失業

古今星釋曰流星入土司徒主男不耕女不蠶天下失
農桑四海多游手與金火犯守同占

雲氣犯土司徒

天文別錄曰黑雲氣犯土司徒星其國河失隄防與
土功以壅水患黃雲氣入土司徒邊地有納土者
青赤氣為歲饑民死于道白氣入之為兵亂

器府星論

器府星統占

客星犯器府

彗孛犯器府

流星犯器府

雲氣犯器府

器府星統占

天文別錄曰器府三十二星在軫南其西北星入翼一十度

甘德占曰器府三十二星在軫南主樂工星明則樂調治故有德之君以樂人也

天文志曰軫南三十二星曰器府樂器之府

古今星釋曰器府星主樂器以顯治功也星明潤主天子治功成以告天下也星暗則天子尚鄭衛之音以娛耳目也星移徙則人君親不急之務星就聚不容悉數者禮樂不自天子出一曰彊臣擅命

星踈圻則天子禮樂大壞天下不治其國亂

大象旁通曰器府星主樂器之府星明則人君以政治
國以樂樂人功成之象也若光浮而動搖者主人君
無德以淫哇自娛也

陳卓叙占曰器府星明大有芒角三十二星俱動搖
其國禮樂將大壞若三十二星俱亡主天子恣荒
淫亡國政亂淫風大行禮樂弛廢

客星犯器府

天文別錄曰客星犯器府星主其國失政百姓荒
淫若星色蒼白其野民困

古今星釋曰客星抵器府奄星不見其國有亂政人主專恣淫風禮樂大壞

彗孛犯器府

天文別錄曰彗星掃器府主諸侯專恣不受制于天子亦曰禮樂征伐不自天子出

古今星釋曰星孛器府主其國有大喪一曰星孛器府其國陰謀樂府生塵

流星犯器府

天文別錄曰流星抵觸器府生伶官干時政一曰小人在位

古今星釋曰流星入器府有聲如雷主人君親幸伶倫以危宗社

雲氣犯器府

天文別錄曰黑雲氣如人抱器府星主伶倫在高位黃氣如樓閣在器府傍主天子作樂以告成功青赤氣出入器府中或奄星不見主樂府有火災

青丘星論

青丘星統占

客星犯青丘

彗孛犯青丘

流星犯青丘

雲氣犯青丘

青丘星統占

天文別錄曰青丘七星在軫東南其北星入軒轅十二度半

甘德占曰青丘七星在軫東主東方三夷占同東甌天文志曰青丘七星在軫東南蠻夷之國號也

古今星釋曰青丘七星主東方三夷亦變夷之國號也星明潤則三夷順命星明大出怒角則變夷有改王星踈坼則三夷相侵伐星就聚則蠻夷盛彊以寇內土星移徙夷國大饑民流亡

客星犯青丘

天文別錄曰客星犯青丘主東方三夷有陰謀若色
白如粉絮則中外交侵天下民大擾

古今星釋曰客星抵青丘主蠻夷有屠城一曰破軍
殺將

陳卓叙曰客星守青丘狀如瓜大久而不去主蠻夷
遣刺客死士入中國以謀禍亂

彗孛犯青丘

天文別錄曰彗星如帚掃青丘主蠻夷有死君不
然國棄祀

大象旁通曰星孛青丘主三夷內亂亦曰臣殺君下

謀上

流星犯青丘

天文別錄曰流星抵觸青丘主蠻夷遣使出疆若隱
隱有聲如雷其國有死使不達于四方

古今星釋曰流星出青丘主夷懷姦以謀中土色白
炸若火炬其國有姦使出境

雲氣犯青丘

天文別錄曰黑雲氣如獸類欲踐青丘主夷貊有兵
變一日蠻夷起兵以寇中土青雲氣如人捧青丘
東夷大饑青赤雲氣出入青丘三夷國兵白雲氣

出入青丘三夷內亂不有死君必有亡國

進賢星論

進賢星統占

月五星犯進賢

客星犯進賢

彗孛犯進賢

流星犯進賢

雲氣犯進賢

進賢星統占

天文別錄曰進賢一星在平道西入軫十五度

石申曰進賢一星赤在太微東主薦賢良占曰星明則天子用賢人在位星暗則賢人在野小人在位
讒佞興行

古今星釋曰進賢星在太微垣東主天子任用賢能
星明潤光澤主賢人在位忠良彙征星暗則小人
乘君子之器星移徙則賢人在野不為朝廷用星
赤怒角及動搖則讒諂害忠良賢者不得進

月五星犯進賢

天文別錄日月逆行失度犯進賢星主不忠之臣擅
主柄月暈進賢期五日有雨即解無雨則小人在
高位

古今星釋曰歲星順守進賢賢人進朝廷理一日天
子無為而始焚惑逆犯進賢主賢人死一日賢者

坐法太白犯進賢主不賢以兵亂國一日大臣死
晉安帝義熙三年九月壬子熒惑犯進賢四年三月
在僕射孔安國卒

客星犯進賢

天文別錄曰客星抵進賢星其國有遣賢一曰失賢
士心

古今星釋曰客星守進賢星色白如粉絮主賢臣失
職一曰賢相受辱

陳卓叙占曰客星守犯進賢星主賢人為諂佞沮
一曰讒害忠良則客星守進賢

彗孛犯進賢

天文別錄曰彗星如帚掃進賢主賢人去國天子失勢若色白光炬若火人君死宗社危

古今星釋曰星孛于進賢主天子失賢輔臣以傾社稷一曰星孛進賢則賢臣離

流星犯進賢

天文別錄曰流星犯進賢其國賢臣出使受辱外國若色白有聲如雷賢臣死于他方

古今星釋曰流星抵進賢主賢不肖相妬以成禍亂一曰賢臣黜不肖在高位

雲氣犯進賢

天文別錄曰黑雲氣犯進賢主賢臣有憂若黑氣如人狀抱進賢主人君失賢白氣如兵器主賢人去國黃雲氣如蓋狀覆進賢主賢人去國

乾象通鑑卷第九十四